


1619_378.jpg



1619_379.jpg

Histoire de nostre temps.

Quant aux Ambassadeurs que sa Majesté 379


Imperiale enuoya aussi au Roy de Dannemarc & autres Princes Septentrionaux. faisant profession de la Confession d'Ausbourg, & n'estoient del'Vnion des Princes correspondans, Ils firent tous response, Qu'ils estoient fort ioyeux de ce qu'il auoit esté esleu & couronné Empereur, luy souhaittoient toute benediction du Ciel, estoient marrys du trouble de Boheme, loüoient le dessein de sa Majesté de vouloir accommoder ce different & remettre la paix en l'Empire: La fin de la lettre du Roy de Dannemarc portoit, Que quant à luy, se souuenant de l'ancienne amitié que ses predecesseurs auoient eu avec la maison d'Austriche, il se montreroit tel en ceste occasiō, que l'Empereur le trouueroit estre son vray & fidel amy.

*Response du
Roy de Dan-
nemarc à
l'Ambassa-
de de l'Em-
pereur.*

Le Duc de Brunsvic, qui auoit enuoyé son Chancelier, Vicechancelier & Secretaire à l'Assemblée des Princes Protestans correspondans à Nuremberg, & qui auoit signé leur Vnion, fut aussi visité par les Ambassadeurs de l'Empereur, il leur fit vn grand remerciement de ce que sa M. I. l'auoit honoré d'une Ambassade si notable, & daigné luy faire entendre l'estat de ses affaires: Qu'il n'auoit appris qu'avec regret les mouuemens arriuez és Estats de sa Majesté; comme au contraire il s'estoit resiouy ayant maintenant sceu que sadite Majesté Imperiale auoit pris resolution de se transporter en l'Empire, y tenir vne Assemblée, ou par le conseil & aduis des Eslecteurs & Princes, on delibereroit

*Celle du Duc
de Brunsvic.*

1619_380.jpg




380 M. DC. XIX.
des moyens d'appaiser tous troubles, & abolir toutes plaintes. & d'oster tout soupçon, en quoy sa Majesté Imperiale monstre le grand soin paternel qu'elle auoit de l'Empire & de tous les Estats d'iceluy. Que quant à luy Duc de Brunsvic. il se recognoissoit obligé de rendre à sa Majesté Imperiale tous devoirs & subjection en ce qui concernoit l'Empire. Que comme ses Ancestres auoient tousiours esté fidelles aux Empereurs, & auoient employé pour eux leurs biens & leurs vies, comme il se voyoit par les Histoires, du temps de Maximilian premier, Charles premier, & Rodolphe deuxiesme, qu'il ne manqueroit aussi de faire le mesme, & que rien ne le destourneroit iamais de sa deuë subjection enuers sa Majesté Imperiale, & que ses desseins n'auoient eu d'autre visée tant à l'Assemblée de Nuremberg, qu'ailleurs.

Voilà les diuerses responses qu'eurent les Ambassadeurs que sa Majesté Imperiale auoit enuoyez tant en Italie, Espagne & Flandres, (dont nous verrons cy-apres les effects,) que de celles des Princes Septentrionaux d'Allemagne de la Confession d'Ausbourg; qui ne luy donnans point de secours, au moins ne se banderent point contre luy.


Nous adiousterons à la fin de ceste année deux courtes dignes de remarque, & faites sur Mer contre les Turcs, l'une par les Espagnols, & l'autre par les Florentins.

Le Comte de Ossuna, Viceroy de Naples, ayât

1619_381.jpg



1619_382.jpg



1619_383.jpg




Image issue du site mercurefrancois.ehess.fr - Cliché (c) Cécile Soudan